

ხელშეკრულება N
სახელმწიფო შესყიდვის შესახებ

ქ. ოზურგეთი

„----“ „-----“ 2021 წელი

ერთი მხრივ, ოზურგეთის მუნიციპალიტეტი, წარმოდგენილი მერის, კონსტანტინე შარაშენიძის სახით (შემდგომში - შემსყიდველი),

მისამართი: ქ. ოზურგეთი, კოსტავას ქ. N1

საიდენტიფიკაციო კოდი: №237114635

ტელეფონის ნომერი: 0(496) 26 10 10; 577 477 317

საბანკო რეკვიზიტები: სახელმწიფო ხაზინა

ბანკის კოდი: TRESGE22

და მეორე მხრივ, -----, წარმოდგენილი ----- სახით (შემდგომში - მომწოდებელი),

მისამართი:

საიდენტიფიკაციო კოდი:

ტელეფონის ნომერი:

საბანკო რეკვიზიტები:

ბანკის კოდი:

ანგარიშის ნომერი:

შემდგომში თითოეული ცალ-ცალკე წოდებული, როგორც „მხარე“, ხოლო ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 4 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT-----) შედეგების საფუძველზე, ვდებთ წინამდებარე ხელშეკრულებას (შემდგომში - ხელშეკრულება) შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს სამუშაოს ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. შესყიდვის ობიექტი და CPV კოდი

- 2.1. ხელშეკრულების საგანია - ოზურგეთის მუნიციპალიტეტის საკუთრებაში არსებული სხვადასხვა დასახელების უძრავი ქონების აუდიტორული შეფასების მომსახურების შესყიდვა, ქონების საბაზრო ღირებულების დადგენის მიზნით.
- 2.2. შესყიდვის ობიექტის სახეობები და მოცულობა მოცემულია NAT----- ელექტრონული ტენდერის სატენდერო დოკუმენტაციაში.
- 2.3. კლასიფიკატორის კატეგორიის/ქვეკატეგორიის კოდი: 79212000 - აუდიტორული მომსახურება.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს ---- (-----) ლარს.
- 3.2. ხელშეკრულების ჯამური ღირებულება შეიცავს შემსრულებლის მიერ, შესყიდვის ობიექტის მიწოდებასთან დაკავშირებით საქართველოს მოქმედი კანონმდებლობით გათვალისწინებულ ყველა გადასახადს.

4. მხარეთა ვალდებულებები

- 4.1. შემსყიდველი უფლებამოსილია:
- 4.1.1. მოსთხოვოს მიმწოდებელს ნაკისრი ვალდებულების შესრულება;
- 4.2. შემსყიდველი ვალდებულია:
- 4.2.1. მიაწოდოს მიმწოდებელს მომსახურებასთან დაკავშირებული დოკუმენტაცია;
- 4.2.2. უზრუნველყოს მიმწოდებლის მიერ მიწოდებული მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.3. მიმწოდებელი უფლებამოსილია:
- 4.3.1. მოსთხოვოს შემსყიდველს მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.
- 4.3.2. მიმწოდებელი ვალდებულია:
- 4.3.3. მიაწოდოს მომსახურება სრული მოცულობით და დათქმულ ვადებში.

5. ანგარიშსწორების ფორმა და დაფინანსების წყარო

- 5.1. ანგარიშსწორება განხორციელდება ეროვნულ ვალუტაში, უნაღდო ანგარიშსწორებით.
- 5.2. წინასწარი ანგარიშსწორების მექანიზმი არ გამოიყენება.
- 5.3. ანგარიშსწორება განხორციელდება ფაქტიურად გაწეულ მომსახურებაზე შედგენილი მიღება-ჩაბარების აქტის გაფორმებიდან 10 სამუშაო დღის განმავლობაში.
- 5.4. დაფინანსების წყაროს წარმოადგენს ოზურგეთის მუნიციპალიტეტის ადგილობრივი ბიუჯეტი.

6. ხელშეკრულების ინსპექტირება

- 6.1. შემსყიდველი ახორციელებს კონტროლსა და ზედამხედველობას მიმწოდებლის მიერ ხელშეკრულების პირობების შესრულებაზე;
- 6.2. ამ მუხლის პირველი პუნქტით გათვალისწინებულ კონტროლისა და ზედამხედველობას განახორციელებს ოზურგეთის მუნიციპალიტეტის მერიის ქონების მართვის განყოფილების წარმომადგენელ(ებ)ი.
- 6.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

7. შესყიდვის ობიექტის მოწოდების ადგილი, ვადა და პირობები

- 7.1. მომსახურების გაწევის ადგილია ოზურგეთის მუნიციპალიტეტის ტერიტორია;
- 7.2. მომსახურების გაწევა უნდა განხორციელდეს ხელშეკრულების გაფორმებიდან 20 კალენდარული დღის განმავლობაში, 2021 წლის ----- ჩათვლით.
- 7.3. მიმწოდებელმა აუდიტორული დასკვნები უნდა წარმოადგინოს თითოეული ობიექტისათვის ცალ-ცალკე, NAT----- ელექტრონული ტენდერის სატენდერო დოკუმენტაციით განსაზღვრული პირობების გათვალისწინებით, დასკვნები წარმოდგენილი უნდა იქნას შემსყიდველის მისამართზე - ქ. ოზურგეთი, კოსტავას ქ. N1, ოზურგეთის მუნიციპალიტეტის ადმინისტრაციული შენობა.
- 7.4. შეფასება უნდა განახორციელოს და შეფასების ანგარიშზე/დასკვნაზე ხელს უნდა აწერდეს აკრედიტებულ შემფასებელთა სერტიფიკაციის ორგანოს მიერ სერტიფიცირებული შემფასებელ(ებ)ი.

8. პირგასამტეხლო ხელშეკრულების პირობების შეუსრულებლობისათვის

- 8.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.
- 8.2. ხელშეკრულებით განსაზღვრული ვადების დარღვევის შემთხვევაში ყოველი ვადაგადაცილებულ დღეზე დამრღვევ მხარეს ეკისრება პირგასამტეხლო სახელშეკრულებო ღირებულების 0.02%-ის ოდენობით.
- 8.3. იმ შემთხვევაში, თუ მიმწოდებლის მიერ, სატენდერო დოკუმენტაციით (ხელშეკრულებით) განსაზღვრული მომსახურების ჩაბარების ვადას, ვადაგადაცილება აღემატება ჯამში 10 (ათი) კალენდარული დღეს, შემსყიდველს უფლება აქვს შეწყვიტოს ხელშეკრულება.

- 8.4. შემსყიდველი უფლებამოსილია შეწყვიტოს ხელშეკრულება ნაკისრი ვალდებულებების შეუსრულებლობის შემთხვევაში. აღნიშნულ შემთხვევაში, „მიმწოდებელს“ ეკისრება პირგასამტეხლოს გადახდა ხელშეკრულების საერთო ღირებულების 10 პროცენტის ოდენობით;
- 8.5. ხელშეკრულების პირობების შეუსრულებლობისათვის, მიმწოდებლის დაჯარიმების შემთხვევაში, შემსყიდველი იტოვებს უფლებას არ მოახდინოს საბოლოო ანგარიშშორება პირგასამტეხლოს გადახდამდე.
- 8.6. ხელშეკრულებით განსაზღვრული პირობების დარღვევით გამოწვეული პირგასამტეხლო თანხის ანაზღაურება უნდა მოხდეს დაზარალებული მხარის მიერ (წერილობითი) მოთხოვნიდან 30 (ოცდაათი) კალენდარულ დღეში.

9. ხელშეკრულებაში ცვლილებების შეტანის და შეწყვეტის წესი

- 9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით;
- 9.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით;
- 9.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ;
- 9.5. ხელშეკრულების ცალმხრივად შეწყვეტის აუცილებლობის შემთხვევაში, ინიციატორი მხარე ვალდებულია გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით აცნობოს ამის შესახებ მეორე მხარეს;
- 9.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

10. დაუძლეველი ძალა

- 10.1. მხარეებს არ დაეკისრებათ პასუხისმგებლობა ხელშეკრულებით გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;
- 10.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მარა არაუგვიანეს მომდევნო კალენდარული დღისა, აცნობოს მეორე მხარეს მათი დადგომის ან/და დასრულების შესახებ, წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებისაგან;
- 10.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

11. დავების გადაჭრის წესი

- 11.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ხელშეკრულების მოქმედების ვადა და სხვა პირობები

- 12.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2021 წლის -
----- ჩათვლით.

13. ინტერესთა კონფლიქტი

- 13.1. „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნათა გათვალისწინებით, წინამდებარე ხელშეკრულებაზე ხელმომწერი პირი სრულად აკმაყოფილებს კანონის ამ მოთხოვნას და არ იმყოფება ინტერესთა კონფლიქტში „მიმწოდებელთან“.

14. სხვა პირობები

- 14.1. ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.
- 14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს

თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3.წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

14.4.ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელექტრონული ფოსტის საშუალებით, იმ პირობით, რომ შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. იმ შემთხვევაში თუ მხარისათვის შეტყობინების გადაცემა ვერ ხერხდება ხელშეკრულებაში აღნიშნულ მისამართზე იმის გამო, რომ მისამართი არასწორადაა მითითებული, შეტყობინება ჩაითვლება ჩაბარებულად და შეტყობინებაში მითითებული ვადების ათვლა განხორციელდება საფოსტო გზავნილის შესაბამის მისამართზე წარდგენის მომდევნო დღიდან.

ხელშეკრულებაზე შესრულებულია კვალიფიციური ელექტრონული ხელმოწერა, ან/და დადასტურებულია კვალიფიციური ელექტრონული შტამპით.